



PREST :

ELKARTEAK ETA UDALAK ELKARLANEAN



01 Lankidetzarako deia

Zinegotzi, teknikari edota alkate zaren aldetik, **ongi etorri zure udal-legegintzaldi berri** honetara.

Gipuzkoako Foru Aldundiaren esparruan sortua, **Elkarteen Foroa** elkarteekin elkartzeko gune bat da, herritarren parte-hartzeari buruzko gaiak joratzeko. Gogoeta-prozesu baten ondorioz, testu honen bidez udal guztietara jotzea erabaki dugu, elkarten eta toki-administrazioen arteko lankidetzarako mezu bat helarazi nahi dizuegulako, asmo argi batekin: **komunitatea indartzea**.

Jakin badakigu Elkarten Foroan udalerrri guztietako elkarteek ez dutela parte hartzen, baina uste dugu ekimen horrek guztion onerako balioko duela. Hala ere, argi utzi nahi dugu ez gara inoren ordezkaria, eta herri bakoitzeko elkarteek eta tokiko administrazioek sortu behar lituzketela harremanetako bide zuzenak.

Gure ustez, **herritarren parte-hartzea, herrigintza eta elkarte-sarea ezinbestekoak dira herri bakoitzaren garapenean**. Badakigu zuetako askok elkartegintzak herritarrei egiten dizkieten ekarpenak baloratzen dituzuela eta dagoeneko elkarlanean ari zaretela; hala ere, lankidetzara hori zuen udal-gobernantzan errotzea gustatuko litzaiguke, udaleko sail guztietako eredu izanik, eta, horretarako, lankidetzan aritzeko prest gaude.

Udal bakoitzeko arlo guztietara jotzen dugu, politikoak zein teknikoak. Izan ere, ezin diegu bakarrik – ez guk, ez zuek – aurre egin gaur egungo gizarte-erronka konplexuei, baizik eta elkarrekin egin behar dugu, guztiok komunitatea indartu nahi dugulako.

02 Elkar ezagutzen al dugu?

Gustatuko litzaiguke daukaguen herriko elkartegintzaren inguruan ezagutza mantentzea edo, kasuan kasu, areagotzea; eta alderantziz, elkarteok zuen kudeaketara hurbiltzea; ezagutza-truke horretatik lankidetzarako bideak zabalduko zaizkigulakoan.

Galdera hauen bidez herriko egoerari hurbilpen azkar bat egitea proposatzen dizuegu:

- Zer behar sozial dituzte hemengo herritarrek? Nola asetzen dituzte?
- Elkarteek herritarren zer behar asetzen dute?
- Nola lortu daiteke herritarren bizitza duina bermatzea? Udal eta elkarteak elkarrekin aritu al gaitezke erronka horretan?

Partekatze beharrak eta marko amankomun bat eraikitzeak aukerak badauzkagula uste dugu. Hortaz, gure errealitatea eta jarduera zeintzuk diren ezagutzea beharrezkoa dela deritzogu.

Ezagutzen al duzue nolako den elkartegintza zuen herrian?

- Ba al dakizue zeintzuk diren zuen herriko elkarten egoera, zailtasunak (boluntarioak, pasioa, nekea, erreleboa, liberatuak, burokrazia...)?
- Ba al dakizue zer elkarte mota dagoen zuen herrian? Non duten egoitza?
- Zenbat eta zer arlotan lan egiten duten?
- Azken urteetan, zenbat ekimen egin dituzten?
- Zenbat denbora inbertitzen duten elkartegintza lan horretan?
- Udalak elkartei zein elkarteko kideei egiten al die nolabaiteko aitortzarik?
- Ba al dago udal eta elkarten arteko elkarlanerako gunerik?
- Eta amaitzeko, pentsatu al duzue nola izango litzatekeen zuen herria elkarerik gabe?

03 Zer bide egin genezake datozen urteetan?

Elkartegintza indartzeko eta elkarlana sustatzeko **ez dugu zerotik hasi behar, badaude herrietan zenbait baliabide eta esperientzia**. Hala ere, ideiak, ekintza edota baliabide hauek indartzea proposatzen dugu:

- Elkarlanerako guneak irekitzea: udalaren egiturak berrantolatzea edo eraldatzea.
- Elkarten katalogo bat herritarrei eskaintzea.
- Burokrazia gutxitzea edo malgutzea.
- Leihatila bakarra sustatzea.
- Eskura ditugun baliabideen zerrenda egitea.
- Diruz laguntzea.
- Elkarteek egiten dituzten ekarpenak aitortzea eta babestea.
- Herritarren partaidetza sustatzea udaleko atal guztietan (kultura, ingurumena, hirigintza...) eta parte hartze prozesu bakoitzaren faseetan.

Elkarteok, zuek bezala, gai publikoetan herritarren inplikazioa bilatzen dugu, eta erronka horrekin bat egin nahi dugu, lortu nahi dugun komunitate aktiboaren sorkuntzan eraginkorrak izateko.

Elkarten kritikotasuna eraikitzailea eta sortzailea aintzat hartzea proposatzen dizuegu, izan ere, **kalitate demokratiko onaren adierazlea izan daiteke**.

Har ezazue ematen ari garen pausu hau lankidetzara prozesu horren guztiaren abiapuntua bezala.



partaidetza@gipuzkoa.eus



Gipuzkoako
Foru Aldundia
Diputación Foral
de Gipuzkoa



ETORKIZUNA
ORAIN
Es futuro